

ხელშეკრულება სახელმწიფო შესყიდვის შესახებ #2

ქალაქი ბათუმი

08 იანვარი 2018 წელი

ერთის მხრივ შპს „სტადიონი“ (შემდგომში „შემსყიდველი“), წარმოდგენილი დირექტორის სულხან ხალვაშის სახით და მეორეს მხრივ შპს „საბა კონსტრაქშენ“-ი (შემდგომში „მიმწოდებელი“), წარმოდგენილი დირექტორის მინდოზილი პირის სლავა შერაზადიშვილის (მინდოზილობა გაცემული ნოტარიუს მზია შვანგირაძის მიერ, #171486654, 23.12.2017 წელი) სახით, „სახელმწიფო შესყიდვების შესახებ“ საქართველოს კანონის და შპს „საბა კონსტრაქშენ“-ის სატენდერო წინადადების საფუძველზე, შემსყიდველის მიერ ჩატარებული ელექტრონული ტენდერის (სატენდერო განცხადება SPA170011114; კლასიფიკატორის (CPV) კოდი 45200000) შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება მასზე თანდართული ყველა დოკუმენტითა და დამატებებით, რომელიც ხელმოწერილია მხარეთა მიერ;
- 1.2. „ხელშეკრულების საერთო ღირებულება“ - ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ;
- 1.3. „შემსყიდველი“ - შპს „სტადიონი“;
- 1.4. „მიმწოდებელი“ - შპს „საბა კონსტრაქშენ“-ი;
- 1.5. „ზედამხედველი“ - პირი, რომელიც ახორციელებს მოცემული ხელშეკრულების ფარგლებში სამუშაოს შესრულების ტექნიკურ ზედამხედველობას;
- 1.6. „დღე“, „კვირა“, „თვე“ - კალენდარული დღე, კვირა, თვე;
- 1.7. „სამუშაო“ - ხელშეკრულების მე-2 პუნქტით გათვალისწინებული ხელშეკრულების საგანი;
- 1.8. „შესასრულებელი სამუშაოების ხარჯთაღრიცხვა“ (შემდგომში „ხარჯთაღრიცხვა“) - მიმწოდებლის მიერ ელექტრონული ტენდერის ფარგლებში წარმოდგენილი „SPA170011114_დაზუსტებული ხარჯთაღრიცხვა 61 977 777.00“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.9. „საპროექტო დოკუმენტაცია“ (შემდგომში „პროექტი“) - ელექტრონული ტენდერის შესაბამის ველში ატვირთული „საპროექტო დოკუმენტაცია“;
- 1.10. „ინფორმაცია საგარანტიო ვადების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი „SPA170011114_დანართი 3 - ინფორმაცია საგარანტიო ვადების შესახებ“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.11. „სამუშაოების შესრულების გეგმა-გრაფიკი“ (შემდგომში „გეგმა-გრაფიკი“) - მიმწოდებლის მიერ ელექტრონული ტენდერის ფარგლებში წარმოდგენილი „SPA170011114_დანართი 8 - სამუშაოების შესრულების გეგმა-გრაფიკი“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.12. „ტექნიკური დავალება“ - მიმწოდებლის მიერ ელექტრონული ტენდერის ფარგლებში წარმოდგენილი „SPA170011114_დანართი 1 - ტექნიკური დავალება“, რომელიც თან ერთვის ხელშეკრულებას და წარმოადგენს მის განუყოფელ ნაწილს;
- 1.13. „ინფორმაცია სპეციალისტების შესახებ“ - მიმწოდებლის მიერ ელექტრონული ტენდერის ფარგლებში წარმოდგენილი „SPA170011114_დანართი N5“, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. ხელშეკრულების საგანი

2.1. წინამდებარე ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს ქალაქ ბათუმში, ლეონიძის ქუჩა #15-ში (ს/კ 05.25.12.012; 05.25.12.010; 05.25.07.028) სპორტული კომპლექსის სამშენებლო სამუშაოები (CPV 45200000) (შემდგომში „სამუშაო“)

წინამდებარე ხელშეკრულებით, პროექტით, ხარჯთაღრიცხვით, ტექნიკური დავალებით და საქართველოში მოქმედი სამშენებლო ნორმებისა და წესებით განსაზღვრული პირობების შესაბამისად, ხოლო, შემსყიდველი კისრულობს ვალდებულებას მიიღოს სამუშაო და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.

3. ხელშეკრულების ღირებულება

- 3.1.** ხელშეკრულების საერთო ღირებულება შეადგენს 61 977 777 (სამოცდაერთი მილიონ ცხრაასსამოცდაჩვიდმეტი ათას შვიდასსამოცდაჩვიდმეტი) ლარს;
- 3.2.** ცალკეული სამუშაოების დასახელება და ღირებულება განსაზღვრულია ხარჯთაღრიცხვით;
- 3.3.** ხელშეკრულების ღირებულება მოიცავს ხელშეკრულებით გათვალისწინებული სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს, რომელთა გადახდაზე პასუხისმგებელია მიმწოდებელი.

4. ანგარიშსწორების ფორმა და პირობები

- 4.1.** ანგარიშსწორება ხორციელდება უნაღდო ანგარიშსწორების ფორმით ეროვნულ ვალუტაში, წინამდებარე ხელშეკრულებით გათვალისწინებულ რეკვიზიტებზე;
- 4.2.** შემსყიდველი ანგარიშსწორებას ახორციელებს ეტაპობრივად, ხელშეკრულების მე-5 პუნქტით განსაზღვრული წესით სამუშაოების მიღებიდან, გადახდის სერთიფიკატის და საგასახადო ანგარიშ-ფაქტურის წარმოდგენიდან 10 (ათი) სამუშაო დღის ვადაში;
- 4.3.** გადახდის სერთიფიკატი დამოწმებული უნდა იყოს ზედამხედველის მიერ;
- 4.4.** მოთხოვნის შემთხვევაში შესაძლებელია წინასწარი ანგარიშსწორება ხელშეკრულების საერთო ღირებულების არაუმეტეს 10%-ის ოდენობით;
- 4.5.** წინასწარი ანგარიშსწორების მოთხოვნის შემთხვევაში მიმწოდებელმა შემსყიდველს უნდა წარუდგინოს:
 - 4.5.1.** წერილობითი მოთხოვნა, რომელშიც დეტალურად იქნება დასაბუთებული წინასწარ გადასახდელი თანხის გამოყენების მიზნობრიობა;
 - 4.5.2.** სარეგისტრაციო/უფლებრივი მონაცემების ამსახველი დოკუმენტები, რომ ის არ არის რეგისტრირებული მოვალეთა რეესტრში და მის მიმართ არ არის რეგისტრირებული საგადასახადო გირავნობა ან/და ყადაღა;
- 4.6.** შემსყიდველის მიერ წინასწარ გადასახდელ თანხასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია შემსყიდველს წარუდგინოს წინასწარ გადასახდელი თანხის ოდენობის უპირობო და გამოუხმობი გარანტია;
- 4.7.** წინასწარ გადასახდელი თანხის გადახდა მოხდება უპირობო და გამოუხმობი გარანტიის წარმოდგენიდან 10 (ათი) სამუშაო დღის ვადაში;
- 4.8.** წინასწარ გადახდილი თანხის გამოქვითვა განხორციელდება ეტაპობრივად, ხელშეკრულების მე-5 პუნქტით სამუშაოების მიღებისათვის განსაზღვრულ დოკუმენტაციაში, გადახდის სერთიფიკატში და საგასახადო ანგარიშ-ფაქტურაში ნაჩვენები თანხის პროპორციულად 10%-ის ოდენობით, იმ პირობით, რომ თეთრ სიაში დარეგისტრირებულ მიმწოდებელთან ჯერ გაიქვითება წინასწარ გადახდილი თანხის გარანტიით არაუზრუნველყოფილი ნაწილი;
- 4.9.** შემსყიდველი შესრულებული სამუშაოს ხარისხის გარანტიის უზრუნველყოფის მიზნით ახდენს ფაქტიურად შესრულებული სამუშაოს ღირებულების 2%-ს დაკავებას. თანხის დაკავება იწარმოებს ხელშეკრულების მე-5 პუნქტით სამუშაოების მიღებისათვის განსაზღვრულ დოკუმენტაციაში, გადახდის სერთიფიკატში და საგასახადო ანგარიშ-ფაქტურაში ნაჩვენები თანხის პროპორციულად 2%-ის ოდენობით;
- 4.10.** დაკავებული თანხის გადახდა მოხდება საბოლოო მიღება-ჩაბარების აქტის გაფორმების თარიღიდან ერთი წლის შემდეგ, როცა შემსყიდველის უფლებამოსილი წარმომადგენელი დაამოწმებს, რომ შესრულებულ სამუშაოებში ხარვეზები არ მოიძებნა ან, ასეთების აღმოჩენის შემთხვევაში, ისინი აღმოფხვრილია მიმწოდებლის მიერ;
- 4.11.** იმ შემთხვევაში, თუ, შემსყიდველის მიერ განსაზღვრულ გონივრულ ვადაში მიმწოდებელი ვერ უზრუნველყოფს შესრულებულ სამუშაოებში გამოვლენილი ხარვეზების აღმოფხვრას, ან, უარს

განაცხადებს მათ აღმოფხვრაზე, შემსყიდველი უფლებამოსილია შეაფასოს ხარვეზების აღმოფხვრისათვის გასაწევი ხარჯი და აანაზღაუროს ის მიმწოდებელზე ხელშეკრულების 4.9. ქვეპუნქტის საფუძველზე დაკავებული თანხიდან;

4.12. ხელშეკრულების 4.11. ქვეპუნქტით განსაზღვრული გარემოების დადგომის შემთხვევაში, მიმწოდებელს არ აუნაზღაურდება ხელშეკრულების 4.9. ქვეპუნქტის საფუძველზე დაკავებული თანხის ის ნაწილი, რომლითაც შემსყიდველის მიერ ანაზღაურდება შესრულებულ სამუშაოებში გამოვლენილი ხარვეზების აღმოფხვრის ხარჯი;

4.13. თუ, შესრულებულ სამუშაოებში გამოვლენილი ხარვეზების აღმოფხვრისათვის აუცილებელი ხარჯის თანხა აღემატება ხელშეკრულების 4.9. ქვეპუნქტის საფუძველზე დაკავებულ თანხას, სხვაობის ანაზღაურება ეკისრება მიმწოდებელს;

4.14. თუ, შესრულებული სამუშაოების მოცულობების ღირებულებამ არ შეადგინა მიმწოდებელთან დადებული ხელშეკრულებით გათვალისწინებული თანხა, ასეთ შემთხვევაში, შემსყიდველი გადაუხდის მიმწოდებელს ფაქტიურად შესრულებული სამუშაოების მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთა მოცულობების ანაზღაურებაზე.

5. შესრულებული სამუშაოების მიღება-ჩაბარების წესი

5.1. შესრულებული სამუშაოების მიღება-ჩაბარება იწარმოებს ეტაპობრივად, მიმწოდებლის მიერ შესრულებული სამუშაოების აქტის (ფორმა #2) წარმოდგენის გზით;

5.2. შესრულებული სამუშაოების აქტში (ფორმა #2) მოცემული სამუშაოების ხარისხი, მოცულობა, ღირებულება, პროექტთან და ხარჯთაღრიცხვასთან შესაბამისობა დადასტურებული უნდა იყოს ზედამხედველის მიერ;

5.3. შესრულებული სამუშაოების აქტზე (ფორმა #2) გაცემული უნდა იყოს აკრედიტირებული პირის საექსპერტო დასკვნა, რომლითაც უნდა დადასტურდეს აქტში მოყვანილი შესრულებული სამუშაოების მოცულობების შესაბამისობა ფაქტიურად შესრულებული სამუშაოების მოცულობასთან მიმართებაში;

5.4. შესრულებული სამუშაოების აქტზე (ფორმა #2) გაცემული აკრედიტირებული პირის საექსპერტო დასკვნის მოპოვების და წარმოდგენის, ასევე, ექსპერტიზის ჩატარებასთან დაკავშირებული ხარჯების გაწევაზე ვალდებულია ეკისრება მიმწოდებელს;

5.5. იმ შემთხვევაში, თუ დასკვნის გამცემი ორგანო არ იქნება სსიპ „ლევან სამხარაულის სახელობის სასამართლო ექსპერტიზის ეროვნული ბიურო“, მიმწოდებელმა დამატებით უნდა წარმოადგინოს ექსპერტიზის განმარტებული პირის შესაბამისი აკრედიტაციის სერთიფიკატი (აკრედიტაციის სფერო უნდა ფარავდეს მოთხოვნილ მომსახურებას);

5.6. შესრულებული სამუშაოების აქტზე (ფორმა #2) საექსპერტო დასკვნის და აკრედიტაციის დამადასტურებელი დოკუმენტის წარმოდგენილობის შემთხვევაში, შემსყიდველის მიერ სამუშაოთა მიღება არ განხორციელდება;

5.7. ხელშეკრულებით გათვალისწინებული სამუშაოების საბოლოო დასრულება დასტურდება შემსყიდველის, ზედამხედველის და მიმწოდებლის მიერ ერთობლივად დამოწმებული საბოლოო მიღება-ჩაბარების აქტით;

5.8. თუ, ზედამხედველმა შესრულებული სამუშაოები შეაფასა წუნით, მაშინ სამუშაოები არ ჩაითვლება დასრულებულად წუნდების აღმოფხვრამდე და შესაბამისად, არ მოხდება მიღება-ჩაბარების აქტის შედგენა;

5.9. წუნდების აღმოფხვრა მიმწოდებელმა უნდა უზრუნველყოს საკუთარი ხარჯებით, შემსყიდველის მიერ განსაზღვრულ გონივრულ ვადაში;

5.10. წუნდებული სამუშაოების აღმოფხვრა დასტურდება ზედამხედველის მიერ.

6. სამუშაოს შესრულების ადგილი და ვადა

6.1. სამუშაოს შესრულების ადგილია ქალაქი ბათუმი, ლეონიძის ქუჩა #15-ი (ს/კ 05.25.12.012; 05.25.07.028; 05.25.12.010);

6.2. ხელშეკრულების მე-2 პუნქტით გათვალისწინებული სამუშაოების სრულად დასრულების ვადაა ხელშეკრულების გაფორმებიდან არაუმეტეს 16 (თექვსმეტი) კალენდარული თვე;

6.3. სამუშაოების I ეტაპის - შენობის სრული მზიდი კონსტრუქციული სისტემის მშენებლობა სახურავისა და ფასადების მოპირკეთების ჩათვლით, ეზოს კეთილმოწყობა, გზის მოწყობა, ყველა გარე და შიდა საინჟინრო-კომუნალური (მათ შორის: სახანძრო და სუსტი დენები) ქსელების მოწყობა. პირველი სართულის ყველა სამუშაო და სრული შიდა მოპირკეთება, გარდა შემსყიდველთან შეთანხმებული ფართების (მათ შორის დერეფნების და სხვა საერთო სარგებლობის ფართები) მოპირკეთებისა, მეორე სართულის არამზიდი კონსტრუქციების მოწყობა, შიდა საინჟინრო-კომუნალური (მათ შორის: სახანძრო და სუსტი დენები) ქსელების მოწყობა, მეორე სართულის შემსყიდველთან შეთანხმებული ფართების (მათ შორის დერეფნების და სხვა საერთო სარგებლობის ფართები) მოპირკეთება - დასრულების სავალდებულო ვადაა ხელშეკრულების გაფორმებიდან 11 (თერთმეტი) თვე;

6.4. სამუშაოების II ეტაპის - სამუშაოების I ეტაპის შემდგომ დარჩენილი ხელშეკრულების მე-2 პუნქტით გათვალისწინებული ყველა სხვა სამუშაო - დასრულების სავალდებულო ვადაა შემსყიდველის მიერ მეორე ეტაპის სამუშაოების დაწყების თაობაზე მიმწოდებელზე წერილობითი შეტყობინების გაგზავნიდან 3 (სამი) თვე.

7. სამუშაოთა წარმოების წესი და ტექნიკური ზედამხედველობა

7.1. მიმწოდებელი ვალდებულია სამუშაოები შეასრულოს ჯეროვნად პროექტით, ხარჯთაღრიცხვით, ტექნიკური დავალებით, გეგმა-გრაფიკით, მოქმედი სამშენებლო ნორმებითა და წესებით განსაზღვრული პირობების დაცვით და შემსყიდველის და ზედამხედველის მოთხოვნების შესაბამისად;

7.2. შემსყიდველი უფლებამოსილია ობიექტზე დანიშნოს ზედამხედველი;

7.3. ზედამხედველი ახორციელებს მშენებლობის პროცესის მიმდინარეობის სრულ ზედამხედველობას და ინსპექტირებას, კერძოდ:

7.3.1. შესრულებული სამუშაოების ხარისხის, მოცულობების, ღირებულების, პროექტთან და ხარჯთაღრიცხვასთან შესაბამისობის შემოწმება და დადასტურება;

7.3.2. სამუშაოების წარმოების სახელშეკრულებო და გეგმა-გრაფიკით გათვალისწინებული ვადების დაცვის კონტროლი;

7.3.3. სამუშაოების წარმოების პროცესში სამშენებლო ნორმების, ტექნიკური პირობებისა და მოქმედი სამშენებლო კანონმდებლობის შესრულების დაცვის კონტროლი;

7.3.4. საინჟინრო, კომუნალური და ტექნოლოგიური სისტემების მონტაჟის ზედამხედველობა და გამოსაყენებელი მასალების პროექტთან და მოქმედ ნორმატიულ დოკუმენტაციასთან შესაბამისობის დამოწმება;

7.3.5. ხელშეკრულებით განსაზღვრული ყველა პუნქტის, მათ შორის ხელშეკრულების დანართებით განსაზღვრულ პირობების სათანადო დაცვა;

7.3.6. მშენებლობის ნებართვით განსაზღვრული მშენებლობის ეტაპების დასრულების დამადასტურებელი დოკუმენტების (ოქმები, აქტები) შედგენაში მონაწილეობა;

7.3.7. სამშენებლო მასალებისა და შესრულების ხარისხის კონტროლი (ობიექტის სპეციფიკიდან გამომდინარე), პროექტით, ხარჯთაღრიცხვით და მსგავსი სამუშაოებისათვის დადგენილი სტანდარტებით განსაზღვრულ ნორმებთან შესაბამისობის დამოწმება;

7.3.8. ისეთი სამუშაოებისა და კონსტრუქციული ელემენტების დამოწმება, შეფასება და შესაბამისი აქტების შედგენაში მონაწილეობის მიღება, რომლებიც დაიფარებიან შემდგომი სამუშაოების შესრულების შედეგად;

7.3.9. სხვადასხვა სახის ლაბორატორიული კვლევების კონტროლი და შესაბამისი აქტების შედგენაში მონაწილეობა;

7.3.10. სამშენებლო ობიექტზე შრომის უსაფრთხოების ნორმების დაცვაზე კონტროლი;

7.3.11. მიმწოდებლის მიერ მითითებებისა და მიწერილობების, აგრეთვე იმ მოთხოვნათა შესრულებაზე კონტროლი, რომლებიც მიეკუთვნება სამუშაოების ხარისხის, გამოყენებული კონსტრუქციების, ნაკეთობების და მასალების, ცალკეული სამუშაოების დეფექტებისა და ნაკლოვანებების აღმოფხვრის საკითხებს;

7.3.12. ობიექტის ექსპლუატაციისათვის მომზადება და შესაბამისი დოკუმენტაციით უზრუნველყოფა;

7.3.13. ტექნიკური დავალებით მოცემული განსაზღვრული მიმწოდებლის სხვა ვალდებულებების შესრულების კონტროლი;

7.4. ზედამხედველს უფლება აქვს:

7.4.1. მოითხოვოს მიმწოდებლისგან შრომის უსაფრთხოების ნორმების დაცვა და აუცილებელი სამშენებლო დოკუმენტაციის წარმოება;

7.4.2. არ მიიღოს პროექტის დარღვევით ან გადახვევით წარმოებული სამუშაოები, უარყოს დაუდასტურებელ სამშენებლო სამუშაოებზე გადახდის სერტიფიკატის დადასტურება და მოითხოვოს აღნიშნული დოკუმენტის კორექტირება;

7.4.3. აკრძალოს სამშენებლო ობიექტზე უხარისხო სამშენებლო მასალების, ნახევარფაბრიკატებისა და საშენი დეტალების გამოყენება;

7.4.4. გასცეს მითითება და მოითხოვოს უხარისხოდ შესრულებული სამშენებლო სამუშაოების გამოსწორება.

8. მხარეთა უფლება-მოვალეობანი

8.1. შემსყიდველს უფლება აქვს:

8.1.1. შეამოწმოს სამუშაოების მიმდინარეობის შესაბამისობა წინამდებარე ხელშეკრულებით გათვალისწინებულ პირობებთან;

8.1.2. გაზარდოს ან შეამციროს შესასრულებელი სამუშაოების მოცულობა, კანონმდებლობის მოთხოვნათა დაცვით შეიტანოს ცვლილებები პროექტში და ხარჯთაღრიცხვაში ჩამოთვლილ სამუშაოთა აღწერილობაში. ასეთი ცვლილებების თაობაზე მხარეები შეთანხმდებიან დამატებით;

8.1.3. არ მიიღოს სამუშაო, თუ ის შესრულებულია ხელშეკრულებით დადგენილი პირობების დარღვევით ან მიმწოდებლის მიერ წარმოდგენილი სამუშაოების მიღება-ჩაბარების დოკუმენტაცია შედგენილია ხელშეკრულებით განსაზღვრული წესის დარღვევით;

8.1.4. არ დააკმაყოფილოს მიმწოდებლის თხოვნა წინასწარ გადასახდელი თანხის თაობაზე;

8.1.5. ხელშეკრულების მოქმედების ნებისმიერ ეტაპზე განახორციელოს მიმწოდებლის მიერ წინასწარ მიღებული თანხის ხარჯვის მიზნობრიობის შემოწმება და მოსთხოვოს მას მიზნობრივი ხარჯვის დამადასტურებელი შესაბამისი დოკუმენტების წარმოდგენა;

8.1.6. მიმწოდებლის მიერ წინასწარ მიღებული თანხის ხარჯვის არამიზნობრიობის დადგენის შემთხვევაში ამოქმედოს წინასწარ გადასახდელი თანხის უზრუნველყოფის გარანტია და დაიბრუნოს წინასწარ გადახდილი თანხის გამოუქვითავი ნაწილი;

8.1.7. მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მხრიდან ხელშეკრულების ცალმხრივად შეწყვეტის შემთხვევაში, ამოქმედოს ხელშეკრულების შესრულების უზრუნველყოფის უპირობო საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისათვის მიყენებული ზიანის ანაზღაურების ვალდებულებისაგან;

8.1.8. მიმწოდებლის მიერ ხელშეკრულების შეუსრულებლობის ან არაჯეროვნად შესრულების გამო, შემსყიდველის მხრიდან ხელშეკრულების ცალმხრივად შეწყვეტის შემთხვევაში, ამოქმედოს წინასწარ გადასახდელი თანხის უზრუნველყოფის გარანტია და დაიბრუნოს წინასწარ გადახდილი თანხის გამოუქვითავი ნაწილი;

8.1.9. მიმწოდებლის მხრიდან ხელშეკრულებით აღებული ვალდებულებების დარღვევის შემთხვევაში მოითხოვოს მიყენებული ზიანის ანაზღაურება;

8.1.10. ისარგებლოს ხელშეკრულებით და მოქმედი კანონმდებლობით მინიჭებული სხვა ყველა უფლებით;

8.2. შემსყიდველი ვალდებულია:

8.2.1. მოახდინოს ანგარიშსწორება ხელშეკრულებით გათვალისწინებული ვადებისა და პირობების შესაბამისად;

8.2.2. უზრუნველყოს შესრულებული სამუშაოების მიღება ხელშეკრულებით დადგენილი პირობების შესაბამისად;

8.3. მიმწოდებელს უფლება აქვს:

8.3.1. მოსთხოვოს შემსყიდველს შესრულებული სამუშაოების ღირებულების ანაზღაურება ხელშეკრულებით გათვალისწინებული ვადებისა და პირობების შესაბამისად;

8.3.2. ისარგებლოს ხელშეკრულებით და მოქმედი კანონმდებლობით მინიჭებული სხვა ყველა უფლებით;

8.4. მიმწოდებელი ვალდებულია:

8.4.1. დაიცვას ხელშეკრულებით და მისი დანართებით გათვალისწინებული ყველა პირობა;

8.4.2. შეასრულოს სამუშაოები სათანადო ხარისხითა და იმ ვადაში, რომელიც მითითებულია ხელშეკრულებაში;

8.4.3. გაითვალისწინოს შემსყიდველისა და ზედამხედველის მიერ მითითებული ინსტრუქციები და შენიშვნები;

8.4.4. საკუთარი სახსრებით აღმოფხვრას შესრულებულ სამუშაოებში გამოვლენილი ხარვეზი და წუნი ხელშეკრულებით და საქართველოს კანონმდებლობით დადგენილი წესით.

9. ხელშეკრულებით ნაკისრი ვალდებულებების შესრულების კონტროლი

9.1. ხელშეკრულების შესრულების კონტროლს განახორციელებს შემსყიდველი ორგანიზაციის ხელმძღვანელის მიერ განსაზღვრული ჯგუფი;

9.2. კონტროლი გულისხმობს მიმწოდებლის მიერ ხელშეკრულების და მისი დანართების პირობების შესრულების მიმდინარეობის კონტროლს.

10. პირგასამტეხლო ხელშეკრულების პირობების შეუსრულებლობისათვის

10.1. მიმწოდებელს ხელშეკრულების 6.3. და 6.4. ქვეპუნქტებით განსაზღვრული ვალდებულების შეუსრულებლობის შემთხვევაში დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

10.2. ხელშეკრულების 4.2. ქვეპუნქტით გათვალისწინებული ვადის დარღვევის შემთხვევაში შემსყიდველს დაეკისრება პირგასამტეხლო ყოველ ვადაგადაცილებულ დღეზე ასანაზღაურებელი თანხის 0.02%-ის ოდენობით;

10.3. მიმწოდებელს, გეგმა-გრაფიკით კონკრეტული სამუშაოსათვის განსაზღვრული ვადის დარღვევისთვის დაეკისრება პირგასამტეხლო ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0.02%-ის ოდენობით;

10.4. გეგმა-გრაფიკით განსაზღვრული ვალდებულების შესრულების პერიოდად ითვლება შემსყიდველის, მიმწოდებლის და ზედამხედველის მიერ ერთობლივად შედგენილი სამუშაოების დასრულების აქტი, რომელსაც თან უნდა ერთვოდეს ფარული სამუშაოებისა და ეტაპის დასრულების აქტები;

10.5. ხელშეკრულებით ნაკისრი ვალდებულებების შეუსრულებლობის გამო მიმწოდებელთან ხელშეკრულების შეწყვეტის შემთხვევაში, მიმწოდებელს დაეკისრება პირგასამტეხლო შეუსრულებელი ვალდებულების ღირებულების 10%-ის ოდენობით;

10.6. ტექნიკური დავალებით გათვალისწინებული სამუშაოთა წარმოების, საწარმოო უსაფრთხოების და შრომის დაცვის წესების დარღვევისათვის, მიმწოდებელს ყველა ჯერზე დაეკისრება პირგასამტეხლო 500 (ხუთასი) ლარის ოდენობით;

10.7. შემსყიდველი დარიცხული პირგასამტეხლოს თანხის დაკავებას ახორციელებს ზედამხედველის შესაბამისი წერილობითი შეტყობინების საფუძველზე, ან, საკუთარი ინიციატივით, მიმწოდებელზე ასანაზღაურებელი შესრულებული სამუშაოების ღირებულებიდან;

10.8. იმ შემთხვევაში, თუ დარიცხული პირგასამტეხლოს თანხა აღემატება მიმწოდებელზე ასანაზღაურებელი შესრულებული სამუშაოების ღირებულებას, მიმწოდებელი ვალდებულია პირგასამტეხლოს თანხა ჩარიცხოს შეტყობინებაში მითითებულ საბანკო ანგარიშზე შეტყობინების მიღებიდან 10 (ათი) სამუშაო დღის ვადაში;

10.9. პირგასამტეხლოს გადახდა არ ათავისუფლებს მიმწოდებელს ხელშეკრულებით განსაზღვრული ძირითადი ვალდებულებების შესრულებისაგან.

11. ხელშეკრულების შესრულების და წინასწარ გადასახდელი თანხის უზრუნველყოფის გარანტია

11.1. ხელშეკრულების შესრულების უზრუნველყოფის გარანტია - სს „არდი დაზღვევა“-ს 2017 წლის 29 დეკემბრის ხელშეკრულების შესრულების საბანკო გარანტია #CPB/17-995092 თანხაზე 929 670

(ცხრაასოცდაცხრა ათას ექვსასსამოცდაათი) ლარი, ხელშეკრულების საერთო ღირებულების 1,5%-ი, მოქმედი 2019 წლის 15 აგვისტომდე პერიოდში;

11.2. ხელშეკრულების შესრულების უზრუნველყოფის გარანტია გამოიყენება ნებისმიერი ზიანის ანაზღაურების მიზნით, რომელიც მიაღდება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე, შემსყიდველის მიერ პირგასამტეხლოს გამოყენებისა და ხელშეკრულებით გათვალისწინებულ სხვა შემთხვევებში;

11.3. ხელშეკრულების მოქმედების ვადის გაგრძელების თაობაზე გადაწყვეტილების მიღების შემთხვევაში (მიუხედავად იმისა ვისი, ან, რა მიზეზით მოხდა აღნიშნული ვადის გაგრძელება), ვადის გაგრძელებამდე მიმწოდებელი ვალდებულია გააგრძელოს უპირობო და გამოუხმობი გარანტიის მოქმედება ხელშეკრულების გაგრძელებული ვადის შესაბამისი დროის პერიოდის დაცვით;

11.4. წინასწარ გადასახდელი თანხის უზრუნველყოფისათვის გამოიყენება საქართველოს ეროვნული ბანკის მიერ ლიცენზირებული საბანკო დაწესებულების, ან უცხო ქვეყნის საბანკო დაწესებულების, რომელიც გადაზღვრული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ, ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიის მიერ გაცემული წინასწარ გადასახდელი თანხის ოდენობის უპირობო და გამოუხმობი გარანტია;

11.5. წინასწარ გადასახდელი თანხის უზრუნველყოფის უპირობო და გამოუხმობი გარანტიის მოქმედების ვადა 30 კალენდარული დღით უნდა აღმატებოდეს სამუშაოების მიწოდების საბოლოო ვადას;

11.6. სამუშაოების მიწოდების საბოლოო ვადის გაგრძელების შემთხვევაში (მიუხედავად იმისა ვისი, ან, რა მიზეზით მოხდა აღნიშნული ვადის გაგრძელება), მიმწოდებელი ვალდებულია, შემსყიდველის წერილობითი მოთხოვნიდან 5 სამუშაო დღის ვადაში, გააგრძელოს უპირობო და გამოუხმობი გარანტიის მოქმედება ხელშეკრულების 11.5. ქვეპუნქტით განსაზღვრული დროის პერიოდის დაცვით;

11.7. წინასწარ გადასახდელი თანხის უზრუნველყოფის უპირობო და გამოუხმობი გარანტია შემსყიდველს უფლებას უნდა აძლევდეს პირველი მოთხოვნისთანავე, გარანტიის გამცემი დაწესებულებისგან დაუყოვნებლივ, შემსყიდველის მოთხოვნის მიღებიდან არაუგვიანეს 5 (ხუთი) სამუშაო დღისა, ყოველგვარი დასაბუთების გარეშე, მიიღოს გარანტიით გათვალისწინებული თანხა;

11.8. სახელმწიფო შესყიდვების სააგენტოს თეთრ სიაში დარეგისტრირებული მიმწოდებლის შემთხვევაში, წინასწარ გადასახდელი თანხის უზრუნველყოფის უპირობო და გამოუხმობი გარანტიების ოდენობა ნახევრდება.

12. ხელშეკრულებაში ცვლილებების შეტანა

12.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა;

12.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად;

12.3. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა სახელმწიფო შესყიდვების მარეგულირებელი კანონმდებლობით გათვალისწინებული შემთხვევებისა;

12.4. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შეწყვეტა

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება:

13.1.1. თუ შემსყიდველი დარწმუნდება, რომ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს ხელშეკრულებით ნაკისრი ვალდებულებები;

13.1.2. თუ ხელშეკრულების 10.1. და 10.3. ქვეპუნქტების საფუძველზე დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 0,3%-ს;

13.1.3. თუ, შემსყიდველისათვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბია;

13.1.4. თუ, შემსყიდველისათვის ცნობილი გახდა, რომ მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას;

13.1.5. საქართველოს კანონმდებლობით გათვალისწინებულ სხვა შემთხვევებში;

13.2. შემსყიდველი ვალდებულია არანაკლებ 5 დღით ადრე წერილობით აცნობოს მიმწოდებელს 13.1. ქვეპუნქტით გათვალისწინებული გადაწყვეტილების მიღების განზრახვის თაობაზე;

13.3. ხელშეკრულება შეიძლება შეწყდეს მხარეთა ინიციატივით, ურთიერთშეთანხმების საფუძველზე;

13.4. ხელშეკრულების შეწყვეტის შემთხვევაში შემსყიდველი უფლებამოსილია მიმწოდებელს დააკისროს იმ ხარჯების ანაზღაურება, რომელიც უკავშირდება შესასრულებელ სამუშაოთა დაგეგმილ ვადაში დასრულებას და არ იფარება ხელშეკრულების შესრულების უზრუნველყოფის გარანტიითა და პირგასამტეხლოს თანხით.

14. გარანტია

14.1. მიმწოდებლის მიერ ხელშეკრულებით განსაზღვრული შესრულებული სამუშაოების ხარისხი, სტანდარტები, ტექნიკური პარამეტრები და ძირითადი მახასიათებლები უნდა შეესაბამებოდეს ხელშეკრულებით და მისი დანართებით განსაზღვრულ პირობებს და საქართველოში არსებულ სამშენებლო წესებსა და ნორმებს;

14.2. შესრულებული სამუშაოების საგარანტიო ვადები განსაზღვრულია საგარანტიო ვადების შესახებ ინფორმაციით;

14.3. საგარანტიო ვადის განმავლობაში მიმწოდებელი ვალდებულია, შემსყიდველის მიერ მიცემულ გონივრულ ვადაში, საკუთარი ხარჯებით, უზრუნველყოს ექსპლუატაციის პროცესში გამოვლენილი ხარვეზის/წუნის აღმოფხვრა, სრული მოცულობით აანაზღაუროს როგორც შესაბამისი ხარჯები, ასევე, ხარვეზის/წუნის შედეგად შემსყიდველისათვის მიყენებული ზიანი;

14.4. მიმწოდებლის მიერ 14.3. ქვეპუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ხარვეზის/წუნის აღმოფხვრისათვის შესაბამისი ზომები და შემდგომ, მიმწოდებელს მოთხოვოს ხარვეზის/წუნის აღმოფხვრისათვის გაწეული ხარჯების ანაზღაურება.

15. დაუძლეველი ძალა

15.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით;

15.2. ამ პუნქტის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი;

15.3. თუ მხარე დაუძლეველი ძალის გამო ვერ ასრულებს ვალდებულებებს, მან ამის შესახებ დაუყოვნებლივ, არაუგვიანეს 2 (ორი) სამუშაო დღის ვადაში წერილობით უნდა აცნობოს მეორე მხარეს აღნიშნული გარემოების დადგომის შესახებ;

15.4. ხელშეკრულების 15.3. ქვეპუნქტით განსაზღვრული ვალდებულების შეუსრულებლობის შემთხვევაში, მხარე არ გათავისუფლდება ხელშეკრულებით ნაკისრი ვალდებულებებისაგან;

15.5. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე;

15.6. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

16. სადაო საკითხების გადაწყვეტა

16.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ;

16.2. შეთანხმების მიუღწევლობის შემთხვევაში, ნებისმიერ მხარეს დავის გადაწყვეტის მიზნით შეუძლია საქართველოს კანონმდებლობის შესაბამისად მიმართოს სასამართლოს.

17. სხვა პირობები

17.1. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად;

17.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

17.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

17.4. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, ელექტრონული წერილის ან ფაქსის სახით, ორიგინალის შემდგომი წარდგენით, ხელშეკრულებაში მითითებული მეორე მხარის მისამართზე. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება;

17.5. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით;

17.6. ხელშეკრულება და მასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის შესრულება ქართულ ენაზე;

17.7. უცხო ენაზე შედგენილ დოკუმენტსა და მის ქართულ ენაზე შესრულებულ თარგმანს შორის პრიორიტეტი ენიჭება ქართულ ენაზე შესრულებულ თარგმანს;

17.8. ხელშეკრულება შედგენილია ორი თანაბარი იურიდიული ძალის მქონე ეგზემპლარად, რომლებიც ინახება ხელშეკრულების მხარეებთან.

18. ხელშეკრულების მოქმედების ვადა

18.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2019 წლის 08 ივნისამდე;

18.2. ხელშეკრულებით ნაკისრი ვალდებულებების შესრულების მოთხოვნის უფლება ძალაში რჩება ხელშეკრულების მოქმედების ვადის გასვლის შემდეგაც.

19. მხარეთა რეკვიზიტები

შემსყიდველი	მიმწოდებელი
შპს „სტადიონი“	შპს „საბა კონსტრაქშენ“
იურიდიული მისამართი – ქ.ბათუმი, მ.კომახიძის ქუჩა #119	იურიდიული მისამართი – ქ.თბილისი, ისანი-სამგორის რაიონი, მარტვილის ქუჩა, #2
ფაქტიური მისამართი – ქ.ბათუმი, მ.აბაშიძის ქუჩა #16/18	ფაქტიური მისამართი – თბილისი, გრიგოლ ხანძთელი ქუჩა #4
ელფოსტა – info@stadium.ge	ელფოსტა – info@scn.ge
ბანკის დასახელება – სს „თიბისი ბანკი“	ბანკის დასახელება – სს „ტერაბანკი“
ბანკის კოდი – TBCBGE22	ბანკის კოდი – KSBGGE22
ა/ნ – GE70TB7067836080100003	ა/ნ – GE59KS0000000360204405
საიდენტიფიკაციო კოდი – 445409415	საიდენტიფიკაციო კოდი – 440886098

სულხან ხალვაში
შპს „სტადიონი“-ის დირექტორი

სლავა შერაზადიშვილი
შპს „საბა კონსტრაქშენ“-ის დირექტორის
მინდობილი პირი

სანოტარო მოქმედების ინდივიდუალური ნომერი



33157238502417

საქართველო



სანოტარო მოქმედების დასახელება
რწმუნებულების / მინდობილობის დამოწმება

სანოტარო მოქმედების რეგისტრაციის ნომერი

N171486654



რეგისტრაციის თარიღი

23.12.2017 წ

ნოტარიუსი: მზია შვანგირაძე

მისამართი: ქ. თბილისი, ს. ცინცაძის ქუჩა #50/1ა

ტელეფონი: 2 30 52 28, 591515551

სანოტარო მოქმედებისა და სანოტარო აქტის შესახებ ინფორმაციის (მისი შექმნის, შეცვლის და/ან გაუქმების შესახებ) მიღება-გადამოწმება შეგიძლიათ საქართველოს ნოტარიუსთა პალატის ვებ-გვერდზე: www.notary.ge ასევე შეგიძლიათ დარეკოთ ტელეფონზე: +995(32) 2 66 19 18

სანოტარო აქტი
საქართველო

ორი ათას ჩვიდმეტი წლის ოცდასამი დეკემბერი. მე ნოტარიუს მზია შვანბირაძეს, ჩემს სანოტარო ბიუროში, რომელიც მდებარეობს მისამართზე: ქ. თბილისი, ს. ცინცაძის ქ. №50/1ა, მომმართა: შ.პ.ს. „საბა კონსტრაქშენ“-ის დირექტორმა ლევან თარბამაძემ (ამონაწერით მეწარმეთა და არასამეწარმეო (არაკომერციულ) იურიდიულ პირთა რეესტრიდან, ამონაწერის მომზადების თარიღი 13/11/2017 წ. განაცხადის რეგისტრაციის ნომერი: B 17125336, ს/კ 440886098, რეგისტრირებული 11/04/2012წ. სსიპ საჯარო რეესტრის ეროვნული სააგენტოს მიერ). მან განაცხადა, რომ სურს მინდობილობის შედგენა და მისი სანოტარო წესით დადასტურება.

მე შევამოწმე ლევან თარბამაძის პირადობა მის მიერ წარმოდგენილი პირადობის დამ. მოწმობით და დავრწმუნდი, რომ ნამდვილად: ლევან თარბამაძემ (დაბ. 06.08.1974წ. თბილისში, პ/№01008013351, მცხ. თბილისი, ს. ჩიქოვანის ქ. №18, კორ.5/29) მომმართა. მე შევამოწმე მისი ქმედუნარიანობა და ვადასტურებ, რომ მის ქმედუნარიანობაში ეჭვის შეტანის საფუძველი არ მქონდა. შემდეგ შევადგინე წინამდებარე მინდობილობა, რომელიც მოიწონა მან და ჩემი თანდასწრებით პირადად მოაწერა ხელი.

მინდობილობა

„მინდობილობის ბამცემი“ შ.პ.ს. „საბა კონსტრაქშენ“-ის, ს/კ 440886098, დირექტორი ლევან თარბამაძე (დაბ. 06.08.1974წ. თბილისში, პ/№01008013351, მცხ. თბილისი, ს. ჩიქოვანის ქ. №18, კორ.5/29), მინდობილობის მიმღებ-ს: სლავა შერაზაღიშვილს (დაბ. 24.07.1976წ. პ/№43001009169, მცხ. ქარელი, სოფ. ძლევიჯვარი),

ანიჭებს შემდეგ უფლებამოსილებას: საზოგადოების წესდებით დირექტორისათვის მინიჭებული უფლებამოსილების ფარგლებში, მოაწეროს ხელი შ.პ.ს. „საბა კონსტრაქშენ“-ის, ს/კ 440886098, დირექტორის სახელით ხელშეკრულებას (ხელშეკრულება: SPA170011114), შ.პ.ს. „საბა კონსტრაქშენ“-სა, ს/კ 440886098, და შპს „სტადიონ“-ს ს/კ 445409415, შორის მიიღოს და ჩაიბაროს ამ ხელშეკრულების ფარგლებში დოკუმენტაციები და შეასრულოს ყველა ის მოქმედება რაც დაკავშირებულია აღნიშნული დავალების შესარულებასთან.

მინდობილობა გაცემულია ერთი თვის ვადით და აკლავს 2018 წლის 23 იანვრის ჩათვლით.

მინდობილობა შეიძლება ვადამდე შეწყდეს ერთ-ერთი მხარის ინიციატივით, მეორე მხარისთვის წინასწარი შეტყობინებით. წინამდებარე მინდობილობა შედგენილია ქართულ ენაზე სამ თანაბარმნიშვნელოვან ეგზემპლიარად, რომელთაგან ერთი ინახება საქართველოს ნოტარიუსის მზია შვანბირაძის სანოტარო არქივში, ხოლო ორი გადაეცა „მინდობილობის ბამცემს“.

გადახდილია სანოტარო მომსახურების საზღაური 10,00 /ათი/ ლარი, თანახმად სანოტარო მოქმედებათა შესრულებისათვის საზღაურისა და საქართველოს ნოტარიუსთა პალატისათვის დადგენილი საფასურის ოდენობის, მათი გადახდევინების წესისა და მომსახურების ვადების დამტკიცების შესახებ საქართველოს მთავრობის დადგენილების (29 დეკემბერი 2011 წელი, დადგენილება №507) 31-ე მუხლისა. პლიუს: 2.00 (ორი) ლარი (დღგ-ს ჩათვლით) ელექტრონულ სანოტარო რეესტრში სანოტარო მოქმედების რეგისტრაციის საფასური, თანახმად სანოტარო მოქმედებათა შესრულებისათვის საზღაურისა და საქართველოს ნოტარიუსთა პალატისათვის დადგენილი საფასურის ოდენობის, მათი გადახდევინების წესისა და მომსახურების ვადების დამტკიცების შესახებ საქართველოს მთავრობის დადგენილების (29 დეკემბერი 2011 წელი, დადგენილება №507) 39-ე მუხლისა. სულ (12,00) თორმეტი ლარი.

„მინდობილობის ბამცემი“

შ.პ.ს. „საბა კონსტრაქშენ“-ის, ს/კ 440886098

დირექტორი ლევან თარბამაძე



Handwritten signature of Mzia Shvanbiraძე in blue ink.

მზია შვანბირაძე